

17/07/2026

AVISO FITOSANITARIO COLOCACION TRAMPAS CARPÓFAGOS DOS CASTIÑEIRO

Os tortricídeo carpófagos *Cydia splendana* e *Pammene fasciana* causan importantes danos nas colleitas de castaña. As larvas destes insectos entran no ourizo cando aínda está en desenvolvemento alimentándose do interior da castaña.

Cydia splendana (Tortricídeo tardío da castaña)



Os adultos emerxen entre xullo e setembro e tras o apareamento as femias poñen os ovos na cara superior das follas próximas a base dos ourizos.

Tras a eclosión as larvas penetran no froito alimentándose e deixando gran cantidade de excremento no seu interior. O rematar o seu desenvolvemento, o cabo dunhas 3 semanas, as larvas caen o chan onde elaboran un casulo sedoso no que pasan o inverno. No mes de xullo crisalidan para alcanzar o estado adulto no verán.

Pammene fasciana (Tortricídeo precoz da castaña)



Os adultos emerxen entre os meses de xuño e xullo, tras o apareamento as femias poñen os ovos nas follas próximas a base dos ourizos. Tras a eclosión as larvas comezan

alimentándose da folla para despois penetrar no froito e alimentarse de este barrenando o seu interior e expulsando os excrementos para fora. A larva vai cambiando de froito para asegurar o seu crecemento. O rematar o seu crecemento as larvas diríxense ata o tronco ou as ramas onde elaboran un casulo que pasan o inverno. Na primavera seguinte crisalidan para alcanzar o estado adulto.



ACTUACIÓNS DIRECTAS NAS AFXC DO PLAN PILOTO DE FOMENTO DA XESTIÓN CONXUNTA DE SOUTOS PARA O CONTROL DA LOITA INTEGRADA DE CARPÓFAGOS.

No mes de xuño, a **Dirección Xeral de Planificación e Ordenación Forestal**, comezou a campaña de colocación de trampas en colaboración coas Agrupacións Forestais de Xestión Conxunta (AFXC), trampas con feromonas sexuais para a captura e seguimento de adultos.

Periodicamente revisárase o número de individuos que caen en cada trampa para poder crear unha curva de voo que permita un mellor coñecemento do ciclo da especie.

AGRUPACION	Nº TRAMPAS <i>Cydia splendana</i>	Nº TRAMPAS <i>Pammene fasciana</i>
O Incio	4	4
Tuxe	4	4
Cambela	4	4
Parada de Sil	3	3

ESTUDIO DO CONTROL DE *CYDIA SPLENDANA* E *PAMMENE FASCIANA* CON TRAMPAS DE FEROMONAS SEXUAIS

Continuarase con estudo para avaliar a eficacia de estes tratamentos en dúas parcelas de castaño nos concellos de Antas de Ulla (Lugo) e Ríos (Ourense).

CONCELLO	Nº TRAMPAS <i>Cydia splendana</i>	Nº TRAMPAS <i>Pammene fasciana</i>
Antas de Ulla	1	1
Ríos	1	1

O estudo, que xa se ven realizando durante os últimos anos, consiste na recollida de 100 castañas de cada un dos castiñeiros nos que se colocaron as trampas de feromonas sexuais e de outras 100 castañas noutro castiñeiro afastado a lo menos 100 m das trampas.



Estes froitos manteranse durante un mes en embudes para contabilizar o número de larvas que emerxen. Posteriormente examínanse estas castañas para estudar o número de orificios de emerxencia, a cantidade de larvas sen emerxer e os restos da súa actividade.

Tamén se estudará como afecta a produtividade dos castiñeiros a captura de *Cydia splendana* e *Pammene fasciana*.